

Vrijeme dato Republici Srpskoj ističe

Težnje Bosne i Hercegovine ka članstvu u NATO-u i EU dovedene su u pitanje zbog neispunjavanja obaveza Republike Srpske prema Međunarodnom krivičnom tribunalu za bivšu Jugoslaviju, rekao je visoki predstavnik, Paddy Ashdown, u svom današnjem obraćanju Vijeću sigurnosti Ujedinjenih nacija. Rekao je da nedostatak suradnje sa haškim tribunalom sada predstavlja najveću prijetnju za budućnost cijele zemlje, a posebno Republike Srpske.

Visoki predstavnik je podsjetio Vijeće sigurnosti da za devet godina Republika Srpska nije isporučila nijednu osobu optuženu za ratne zločine, nije haškom tribunalu dostavila informacije koje su mu potrebne za hapšenje optuženih niti je poduzela ikakve značajne korake da to sama učini.

“To pokazuje nepoštivanje zakona i nepoštivanje vrijednosti upravo onih institucija kojima lideri Republike Srpske navodno žele da se pridruže,” rekao je visoki predstavnik. “Mora im biti apsolutno jasno da se prema ovoj svečanoj obavezi koju su preuzeli u Daytonu ne mogu ponašati kao da je napisana nevidljivom tintom, kada je ona crno na bijelom. Mora im biti jasno da im međunarodna zajednica, i ovo Vijeće sigurnosti, neće dopustiti da nekažnjeno nastave sa suštinskim kršenjem jednog od ključnih zahtjeva iz Daytonu.

“Devet godina je predug period – više nego predug. Vrijeme dato Republici Srpskoj da poduzme korake kako bi ispoštovala obaveze zasnovane na međunarodnom pravu ističe. Vrijeme u kome Republika Srpska može blokirati put Bosne i Hercegovine ka Evropi i NATO-u ističe. Vrijeme ističe svim onima koji misle da mogu zloupotrebljavati zaštitne mehanizme koje im pružaDayton.”

Visoki predstavnik je naglasio da je "vrijeme izgovora prošlo" i da organi vlasti RS moraju odlučno djelovati kako bi BiH mogla "napraviti konačni, ključni raskid sa prošlošću i prihvatiti svjetliju budućnost kao moderna evropska zemlja."

Ta svjetlija budućnost već je na dohvat ruke, rekao je visoki predstavnik, zbog impresivnog napretka koji je postignut u drugim oblastima u posljednjih šest mjeseci.

- Proces ujedinjenja Mostara teče po planu
- Obavještajna služba na nivou države je uspostavljena i počela je sa radom
- SIPA je u funkciji i nalazi se u sopstvenom prostoru
- Komisija za restrukturiranje policije dobro napreduje i očekuje se da će izvijestiti o rezultatima svoga rada do kraja godine
- Imenovan je prvi poslijeratni ministar odbrane BiH, koji je istovremeno i potpredsjedavajući Komisije za reformu odbrane
- Državni sud je uspostavljen i počeo je sa radom
- BiH se priprema da počne suditi u slučajevima ratnih zločina
- Prvog maja je uspostavljeno jedinstveno Visoko sudsko i tužilačko vijeće
- Uprava za indirektno oporezivanje je uspostavljena i počela je sa radom
- Priprema se uvođenje PDV-a u 2006. godini
- Reforma energetskeg sektora se nastavlja (a provedena je i harmonizacija cjelokupne elektroenergetske mreže jugoistočne Evrope, sa BiH u centralnom položaju)
- Iznadeno je rješenje za pitanje unutrašnjeg duga
- Zakon koji omogućuje direktni izbor načelnika usvojen je na vrijeme što je omogućilo uspješno održavanje izbora 2. oktobra

No, visoki predstavnik je također naglasio da "ekonomija BiH još uvijek ne raste dovoljno brzo kako bi pomogla da zacijele rane njenih napaćenih građana" te je dodao da finansijska

sposobnost države u njenom trenutnom obliku “može zahtijevati da se što prije počne razmišljati o hitnoj potrebi iznalaženja funkcionalnijih ustavnih struktura ove zemlje.”